



Pormulario iti Responsable a Panagusar iti Teknolohia

(para kadagiti digital a ramit, network, ken serbisio iti internet a kukua ken ab-abangan ti Hawaii State Department of Education para kadagiti estudiantena)

Tunggal estudiante ken dagiti/ti nagannak/parabantay ("nagannak" wenna "dagiti nagannak") masapul a repasuenda ti *Dagiti Pagalagadan iti Responsable a Panagusar iti Teknolohia para kadagiti digital a ramit, network, ken serbisio iti internet a kukua wenna ab-abangan ti Hawaii State Department of Education para kadagiti estudiantena*, am-ammo kas "Dagiti Pagalagadan iti Responsable a Panagusar iti Teknolohia" ("Technology Responsible Use Guidelines") wenna "TRUG", ket pirmaanda daytoy "Pormulario iti Responsable a Panagusar iti Teknolohia" ("Technology Responsible Use Form") wenna "TRUF" para iti pannaka-access kadagiti digital a ramit, internet ken serbisio iti network, pakairamanan dagiti serbisio iti online a panagadal.

Dagiti ESTUDIANTE a mangusar kadagiti digital a ramit, network, ken serbisio iti internet a kukua ken ab-abangan ti Hawaii State Department of Education (HIDOE):

- Nabasak ti Dagiti Pagalagadan iti Responsable a Panagusar iti Teknolohia (RS 17-0051) iti sabali a dokumento ket umanamongak, ken surotek, dagiti pagalagadan a nakasaad iti nasao a dokumento, ken iti mabalina a pagbaliwanna.

Kas NAGANNAK, umanamongak met a:

- Responsableak iti panangmonitorko iti panagusar ti anakko kadagiti digital a ramit a kukua wenna ab-abangan ti HIDOE iti ruar ti eskuelaan ti HIDOE.
- Mabalina a pengdan ti HIDOE ti pannaka-access dagiti estudiante kadagiti material a saan a mayannatup iti panagadalda; nupay kasta, maawatak met nga imposible a mabaelan ti HIDOE a pengdan ti pannaka-access kadagiti amin a kontrobersial ken saan a mayannatup a material. Ngarud, awan ti sungsubatan ti HIDOE ken dagiti empleadona iti ania man nga addang a mainaig iti pannaka-access ti anakko kadagiti material wenna software a mabalina a saan a mayannatup.
- Nagsaritaanmin ken ti anakko ti TRUG, ket ngarud:
 - No addan iti eskuelaan, umanamongak a ti anakko, madesignaran iti digital a ramit a kukua wenna ab-abangan ti HIDOE;
 - Umanamongak a ti anakko, mapalubosan a maka-access kadagiti serbisio iti internet/network ti HIDOE; ken
 - Umanamongak a ti anakko, mapalubosan a maka-access kadagiti serbisio iti panagadal iti online nga ipapaay ti eskuelaan.
- Maawatak nga amin a software a naikarga iti ramit nga apaman a nayisyu iti nakadesignaranna nga estudiante ket kukua ti HIDOE. Ti panangkopia iti daytoy a software iti sabali a ramit ket saan a maipalubos ken mabalina a mangsalungasing kadagiti paglintegang iti copyright. Dagiti estudiante/nagannak, saan a mabalina nga ag-download wenna agy-install-da iti ania man a software iti daytoy a ramit malaksid kadagiti driver ti imprenta para iti panagimprenta iti pagtaengan wenna software a mausar laeng iti panang-access iti network iti pagtaengan.
- Babaen ti panagpirmak iti baba, umannugotak, kas konsiderasion iti panangipaay ti HIDOE iti anakko iti access iti network ken Internet, nga agbayad iti HIDOE para iti ania man a pukaw, mabayadan, wenna multa (agraman ti umisu a bayad iti abogado) a nayabaga iti HIDOE mainaig iti, wenna gapu iti, ania man a panagsalungasing ti estudiante kadagitoy wenna dadduma pay a pagannurotan ti HIDOE gapu iti panagusarna kadagiti digital a ramit, Network, ken Internet a kukua wenna ab-abangan ti HIDOE. Sungbatak ti ania man a pannakaperdi kadagiti digital a ramit a kukua wenna ab-abangan ti HIDOE bayat ti panagusar ti estudiante, karaman ti panangbayadko iti pannakatarimaanna.
- Awan ti sungsubatan ti HIDOE para iti ania man a saan nga autorisado a mabayadan, agraman ti mabayadan iti telepono, mabayadan iti long-distance nga awag, kada minuto a surcharge, ken/wenna bayad iti on-line a ramit. Awan ti kasta a charge kadagiti ordinario nga access ken panagusar iti internet ken network. No adda man ania a kasta a charge, sungbatan daytoy ti nagannak nga agpirma iti baba.

Daytoy a TRUF ket balido para iti estudiante bayat ti panagatendarna iti _____, malaksid no pinaisardeng ti nagannak wenna narebisaren ti TRUG. (nagan ti eskuelaan)

Pirma ti Estudiante	Nagan iti Dadakkel a Letra & ID# ti Estudiante	Petsa
Pirma ti Nagannak/Parabantay	Nagan iti Dadakkel a Letra	Petsa
Pirma ti Nagannak/Parabantay	Nagan iti Dadakkel a Letra	Petsa